

四庫全書

史部

欽定四庫全書

史部

武林舊事卷一至五

詳校官鴻臚寺少卿臣梁景陽

編修臣程嘉謨覆勘

總校官編修

臣

王燕緒

校對官修撰

臣

吳錫齡

謄錄監生

臣

李

璜

欽定四庫全書

史部十一

武林舊事

地理類八 雜記之屬

提要

臣等謹案武林舊事十卷宋周密撰密字公謹號草窗先世濟南人其曾祖隨高宗南渡因家湖州淳祐中嘗官義烏令宋亡不仕終於家是書記宋南渡後都城雜事益密雖居於弁山實流寓杭州之癸辛街故目睹耳

聞最為真確於乾道淳熙間三朝授受兩宮奉養之故蹟敘述尤詳自序稱欲如呂蒙陽雜記而加詳如孟元老夢華而近雅今考所載體例雖仿孟書而詞華典贍南宋人遺篇剩句頗賴以存近雅之言不謬呂希哲歲時雜記今雖不傳然周必大平園集尚載其序稱其上元一門多至五十餘條不為不富而密猶以為未詳則是書之賅備可知矣明人

所刻往往隨意刊除或僅六卷或不足六卷  
惟存故都宮殿教坊樂部諸門殊失著書之  
本旨此十卷之本乃從毛氏汲古閣元板傳  
鈔首尾完具其間逸文軼事皆可以備叅稽  
而湖山歌舞靡麗紛華著其盛正著其所以  
衰遺老故臣惻惻興亡之隱實曲寄於言外  
不僅作風俗記都邑簿也第十卷下墓待詔  
以下以是書體例推之當在六卷之末疑傳

寫或亂其舊第然無可考證今亦姑仍之焉  
乾隆四十六年十二月恭校上

總纂官

臣

紀昀

臣

陸錫熊

臣

孫士毅

總校官

臣

陸費

墀

武林舊事原序

乾道淳熙間三朝授受兩家奉親古昔所無一時聲名  
文物之盛號小元祐豐亨豫泰至寶祐景定則幾於政  
宣矣予曩於故家遺老得其梗槩及客修門間聞退璫  
老監談先朝舊事輒傾耳諦聽如小兒觀優終日夕不  
少倦既而曳裾貴邸耳目益廣朝歌暮嬉酣玩歲月意  
謂人生正復若此初不省承平樂事為難遇也及時移  
物換憂患飄零追想昔遊殆如夢寐而感慨係之矣歲

時檀藥酒酣耳熱時為小兒女戲道一二未必不反以  
為夸言欺我也每欲萃成篇帙如呂榮陽雜記而加詳  
孟元老夢華而近雅病忘慵情未能成書世故紛來懼  
終於不暇紀載因撫大槩雜然書之青燈永夜時一展  
卷恍然類昨日事朋游淪落如晨星霜葉而余亦老矣  
噫盛衰無常年運既往後之覽者能不興愴我寤歎之  
悲乎四水潛夫書



欽定四庫全書

武林舊事卷一

宋周密撰

慶壽冊寶

壽皇聖孝冠絕今古承顏兩宮以天下養一時盛事莫大於慶壽之典今摭錄大畧於此淳熙三年光堯聖壽七十預于舊歲冬至加上兩宮尊號立春日行慶壽禮至十三年太上八十正月元日再舉慶典其日文武百

僚集大慶殿各服朝服用法駕五百三十四人大樂四  
十八架正樂工一百八十八人及列儀仗鼓吹於殿門  
外上服通天冠絳紗袍執大圭恭行冊寶之禮鼓吹振  
作禮儀使已下皆導從上乘輦從至德壽宮俟太上升  
御座宮架樂作皇帝北向再拜奏起居致詞曰臣某稽  
首言伏惟太上皇帝陛下壽同天永德與日新典冊揚  
徽華夷賴慶左相宣答曰太上皇帝聖旨皇帝迎陽展  
采鏤牒榮親何幸吾身屢觀盛事次皇太子已下稱賀

致詞宣答訖並再拜舞蹈禮畢次詣太上皇后殿行禮  
如前候解嚴訖皇帝入宮進奉禮物行家人禮御宴極  
歡自皇帝以至羣臣禁衛吏卒往來皆簪花後三日百  
官拜表稱賀於文德殿四方萬姓不遠千里快覩盛事  
都民垂白之老喜極有至泣下者揚誠齋詩云長樂宮  
前望翠華玉皇來賀太皇家青天白日仍飛雪錯認東  
風轉柳花春色何須羯鼓催君王元日領春回牡丹芍  
藥薔薇朶都向千官帽上開任斯菴詩云金爵觚稜曉

日開三朝喜氣一時回聖人先御紅鸞扇天子龍輿萬  
騎來霜曉君王出問安寶香隨輦護朝寒五雲深處三  
宮宴九奏聲中二聖歡

四孟駕出

先期禁衛所閤門牒臨安府約束居民不許登高及祔  
袒觀看男子並令衫帶婦人裙背仍先一日封閉樓門  
取責知委不許容著來歷不明之人殿步三司各撥統  
制將官軍兵六千二百人擺齕諸巷

大禮則  
倍此數

至日五鼓

地分頭項沿門驅逐雜人外儀衛節次如左

地分約攔

諸廂約攔

緝捕使臣

都轄官約攔

軍器庫從物

內藏庫從物

御酒庫從物

御厨從物

祇候庫從物

騏驎院御馬

兩行

御藥院藥架

引從舍人

兩行

諸司庫務官

兩行

搜視行宮司

行宮殿門

控攏親從

二百五十人

前驅親從

兩行各二十一人

贊唱舍人

兩行各八人

天武

兩行各八人 居外

欽定四庫全書

卷一

都下親從

兩行各八人居內

駕頭

閣門祇候乘騎捧駕

引主駕首

兩行各五人

閣門提點

兩行

御史臺知班

兩行

尚書省錄事

密院副承旨

珠子御座

御馬院馬

喝御座

閣門簿書

兩行

宣贊舍人

兩行

茶酒班

環衛官

帶御器械

欄前等

輦官人員

逍遙輦

輦官十六人

御輦院官

閣門承受

兩行

御燎子頭籠

翰林司官

御絲鞋所

御服所

御座馬

兩行  
十匹

馬院總管

御軍器庫

睿思殿庫

閣門庫

閣門覺察官

兩行

長入祇候

兩行各二十  
十六人

茶酒班殿侍

各二十  
一人

快行親從

各三十  
二人

擊鞭

兩行各  
七人

殿前指揮

兩行各三十  
一人居外

茶酒班殿侍

兩行各六人  
執從物居內

編排禁衛行子

三十  
一人

於內往  
來編排

等子人員十將

兩行各十  
人居外

御龍直

共八十二人  
執從物居內

知閣門事

乘馬行  
圍子內

親從方園子

兩行各一百四十人

步帥

乘馬行園子內

園子兩邊各四重

第一重

內殿直以下兩邊各一百

人

第二重

崇政殿園子兩邊各一百人

第三重

御龍直兩邊各一百人

第四重

崇政殿園子兩邊各一百

人

水手并覲捕等子

兩邊各五人

欄前崇政殿親從

十七人

殿帥

乘騎行園子內中道

主管禁衛所

內官

等子

兩邊各十五人居外

中道

第二日并恭謝教坊樂人迎駕

念致語口號等并教坊樂部於此排立

快行親從

兩邊各三十人



塵斧拂子

水晶骨朶

香毬二

打燭快行

兩行駕  
回不用

編排官

二人

執燈籠親從

兩行各七十四人列至  
衆安橋去燭駕回先行

行門

兩行各  
十二人

當食官

聽宣官

輦官人員

平輦

輦官一  
十六人

黃羅御繖二

黃羅御扇二

挾輦御樂

帶插外御帶

帶插閣下官

閣門覺察舍人

攔後圍子

挾輦指揮使

各二十  
一人

輦後樂

東西兩班各三十  
六人第一日不作

天武

兩行各八  
人居外

都下親從

兩行各  
八人

扇篋

挾輦內殿直

各二十  
二人

宰臣

使相

執政

宰執後約攔親從

各二

十二  
人

閤門覺察宣贊舍人

侍從後約攔親從

各二十  
二人

從駕臣僚分東西班

東班係尚書侍郎兩制等  
官西班係正任宗室遙郡

車駕所經諸百官司皆結綵門迎駕起居俟駕頭將

至知班行門喝班到排立次喝躬身拜再拜駕回不拜值雨

免班首奏聖躬萬福唱喏直身立齟齬軍兵則呼萬歲

大禮

南郊明堂

三歲一郊預於元日降詔以冬至有事於南郊或用次

年元日行事

明堂止於半年前降詔用是歲季秋上辛日

先於五六月內擇

日命帥漕及修內司修飾郊壇及絞縛青城齋殿等屋

凡數百間悉覆以葦席護以青布并差官兵修築泥路

自太廟至泰裡門又自嘉會門至麗正門計九里三百

二十步

明堂止自太廟至麗正門

皆以潮沙填築其平如席以便五

輅之往來每隊各有歌頭以綵旗為號唱和杵歌等曲以相兩街居民各以綵段錢酒為犒又命象院教象前導朱旗以二金三鼓為節各有幟頭紫衣蠻奴乘之手執短鑼旋轉跪起悉如人意市井因競市繪塑小象以餽遺四方又以車五乘壓之以鐵多至萬斤與輅輕重適等以觀疾徐傾側之勢至前一月進呈謂之閃試及駕出前一日縛大綵屋於太廟前置輅其中許都人觀

瞻先自前一月以來次第按試習儀殆無虛日郊前十

日執事陪祀等官並受誓戒於尚書省

宗室赴太廟受誓戒

前三

日百官奏請皇帝致齋於大慶殿是日上服通天冠絳

紗袍結珮陞高座侍中奏請降座就齋室次日車駕

詣景靈宮服袞冕行禮

儀從並同四五

禮畢駕回就赴太廟齋

殿宿齋是夕四鼓上服袞冕詣祖宗諸室行朝饗之禮

是夜鹵簿儀仗軍兵於御路兩旁分列間以糗盆蕢燭

自太廟直至郊壇泰禋門輝映如晝宰執親王貴家巨

室列幕櫨比皆不遠千里不憚重費預定於數月之前  
而至期猶有為有力所奪者珠翠錦繡絢爛於二十里  
間雖寸地不容閒也歌舞遊遨工藝百物輻輳爭售通  
宵駢闐至五更則襍稍先驅所至皆滅燈火蓋清道祓  
除之義黎明上御玉輅從以四輅

金象  
草木

導以馴象千官

百司法駕儀仗錦繡雜遝蓋十倍孟饗之數聲容文物  
不可盡述次第出嘉會門至青城齋宿

明堂則徑入麗  
正門齋殿齋宿

四壁皆三衙諸軍周廬座甲軍幕旌旗布列前後傳呼

唱號列燭互巡往來如織行宮至暮則嚴更警惕

太廟  
齋宿

亦鼓角轟振又有衛士十餘隊每隊十餘人互唱云是

與不是衆應曰是又唱曰是甚人衆應曰殿前都指揮  
使某人謂之唱攔至三鼓執事陪祀官並入就黃壇排  
立萬燈輝耀燦若列星凡齎燈皆自為誌號如捧俎官  
則畫一人為捧俎之狀等類蓋燈多不容不以此辨認  
亦有好奇可笑者用丑時一刻行事至期上服通天冠  
絳紗袍乘輦至大次禮部侍郎奏中嚴外辨禮儀使奏

請皇帝行事上服袞冕步至小次升自午階天步所臨  
皆藉以黃羅謂之黃道中貴一人以大金合貯片腦迎  
前撤之禮儀使前導殿中監進大圭至版位禮直官奏  
有司謹具請行事

宮架樂作自此  
上進止皆作樂

時壇壝內外凡數萬

衆皆肅然無譁天風時送珮環韶濩之音真如九天吹  
下也太社令升煙燔牲首上先詣昊天位次皇地祇次  
祖宗位奠玉祭酒讀冊文武二舞次亞終獻行禮畢上  
詣飲福位受爵飲福酒

登歌  
樂作

禮直官喝賜胙次送神次望



燎訖禮儀使奏禮畢上還大次更衣乘輦還齋宮百僚  
追班賀禮成於端誠殿黎明上乘大安輦從以五輅進  
發教坊排立奏念致語口號訖樂作諸軍隊伍亦次第  
鼓吹振作千乘萬騎如雲奔潮湧四方萬姓如鱗次蟻  
聚迤邐入麗正門教坊排立再奏致語口號舞畢降輦  
小憩以俟辦嚴登門肆赦并陽老人有詩云黃道宮羅  
瑞腦香袞龍升降佩鏘鏘大安輦奏乾安曲萬點明星  
簇紫皇又曰萬騎雲從簇錦圍內官排立馬如飛九重

闔闔開清曉太母登樓望駕歸李鶴田詩云嚴更頻報夜何其萬甲聲傳達近隨旄子燈前紅炯炯大安輦上赴壇時

郊壇天盤至地高三丈二尺四寸通七十二級分四成上廣七丈共十二階分三十六龕午階濶一丈主上升降由此階其餘各濶五尺

圓壇之上止設昊天上帝皇地祇二神位及太祖太宗配天十六龕共祀五帝太乙感生北極北斗及

分配衆星三百六十位

儀仗用六千八百八十九人自太廟排列至青城  
玉輅下祇應人共三百二十一人

呵唱人員二人

教馬官二人

挾捧輪將軍四人

推輪車子官健八人

駕士班直二百三十二人

千牛衛將軍二員

抱太常龍旗官六員

職掌五人

專知官一名 手分一名

庫子八人

裝掛匠二人 諸作工匠十五人

蓋覆儀鸞司十一人 監官三員

金象革木輅每輅下一百五十六人

玉輅青飾 金輅黃飾 象輅紅飾

革輅淺色飾

木輅黑飾

輅下人冠服並依輅色

玉輅前儀仗騎導

騎導官

左壁文臣 右壁武臣

六軍儀仗官兵二千二百三十二人

左右諸衛將軍十三員

中道五員  
左右八員

金吾街仗司

執褾稍八十人

攝將軍八員

仗下監門二十六員

鼓吹五百八十三人

導駕樂人三百三十人

登門肆赦

其日駕自文德殿詣麗正門御樓教坊作樂迎導參軍  
色念致語雜劇色念口號至御幄降輦門下閣門進中

嚴外辦牌訖御樂唱捲簾上出幄臨軒門下鳴鞭宮架奏曲簾捲扇開樂止撞右五鐘黃繖纔出門下宰臣以下兩拜分班立門上中書令稱有敕立金雞門下侍郎應諾宣奉勅立金雞雞竿一起門上仙鶴童子捧赦書降下閣門接置案上太常寺擊鼓鼓止捧案至樓前中心知閣稱宣付三省參政跪受捧制書出班跪奏請付外施行門上中書令承旨宣曰制可門下參政稱宣付三省遂以制書授宰臣跪受訖閣門提點開拆授宣赦

舍人捧詣宣制位起居舍人一員摘句讀舍人稱有制  
宰臣以下再拜俟讀至咸赦除之獄級奏脫枷訖罪囚  
應喏三呼萬歲歌呼而出候宣赦訖門上舍人贊樞密  
及中書令曲賀兩拜門下宣制舍人捧制書授宰臣宰  
臣授刑部尚書尚書授刑房錄事訖歸班兩拜致詞三  
舞蹈三叩頭知閣稱有制宰臣以下再拜知閣宣答

云云

若時大慶與  
卿等同之

又拜舞如前門下中書令奏禮畢扇合宮

架樂作簾降樂止撞左五鐘門下禮部郎中奏解嚴上

還幄次門下鳴鞭舍人唱奉勅放仗宰臣以下再拜退  
次宣勞將士訖乘輦歸內至南宮門教坊司迎駕念致  
語口號如前至文德殿降輦舞畢退并陽老人詩云  
輦登門捲御簾侍中承制舍人宣鳳書乍脫金雞口一  
派歡聲下九天

金雞竿長五丈五尺四面各百戲一人緣索而上謂  
之搶金雞先到者得利物呼萬歲

緇羅襖子一領絹  
十足銀碗一隻重

三諸州進奏院各有遞鋪腰鈴黃旗者數人俟宣赦  
兩



訖即先發太平州萬州壽春府取太平萬壽之語以  
次俱發鈴聲滿道都人競觀

樓下排立次第

青龍白虎旗各一

信旗二

方扇二

方圓罕畢二

幢四

劍二

將軍二

僧衆居左

道衆居右

玉輅居中

太常宮架樂

宣赦臺

招拜紅旗

擊鼓

三院罪囚獄級居左

御馬六匹居右

宣制位居中

橫門

快行

承旨

三省官以下

恭謝

大禮後擇日行恭謝禮第一日駕出如四孟儀詣景靈宮天興殿聖祖前行恭謝禮次詣中殿祖宗神御前行禮還齋殿進膳訖引宰臣以下賜茶茶畢奏事訖還內第二日上乘輦自後殿門出教坊都管以下於祥曦殿

南迎駕起居叅軍色念致語雜劇色念口號樂作駕後  
樂東西班則於和寧門外排立後從作樂將至太乙宮  
道士率衆執威儀於萬壽觀前入圍子內迎駕起居作  
法事前導入太乙宮門降輦候班齊詣靈休殿參神次  
詣五福十神太乙次詣申佑殿本命北辰殿通真殿佑順  
福殿太后延壽殿南極火德殿禮畢宣宰臣以下合赴坐  
官並簪花對御賜宴上服幘頭紅上蓋玉束帶不簪花  
教坊樂作前三盞用盤盞後二盞屈卮御筵畢百官侍

衛吏卒等並賜簪花從駕縷翠滴金各競華麗望之如  
錦繡衙前樂都管以下三百人自新椿橋西中道排立  
迎駕念致語口號如前樂動滿路花至殿門起壽同天  
曲破舞畢退姜白石有詩云六軍文武浩如雲花簇頭  
冠樣樣新惟有至尊渾不戴盡將春色賜羣臣萬數簪  
花滿御街聖人先自景靈回不知後面花多少但見紅  
雲冉冉來

是日皇后及內中車馬  
先還宮中呼后為聖人

### 聖節

其日俟宰執奏事訖退班上坐垂拱殿先引樞密院并

管軍官上壽

東京分為二日  
今只并為一日

禮畢再坐紫宸殿上公以

下分立候奏班齊上公詣御茶牀前躬進御酒跪致詞

云文武百僚臣某等稽首言天基令節

聖節名  
逐朝換

臣等不

勝大慶謹上千萬歲壽下殿再拜樞密宣答云得公等

壽酒與公等內外同慶又再拜教坊樂作接盞訖跪起

舞蹈如儀閣門官喝不該赴坐官先退樞密喝羣臣升

殿閣門分引上公以下合赴坐官升殿第一盞宣視盞

送御酒歌板色唱祝堯齡賜百官酒感築起舞三臺

後並

此供進肉餼鼓第二盞送御酒歌板起中腔供進雜爆

第三盞歌板唱踏歌供進肉鮓候內官起茶牀樞密跪奏禮畢羣臣降階舞蹈拜退此上壽儀大畧也若錫宴節次大率如夢華所載茲不贅書今偶得理宗禁中壽筵樂次因列於此庶可想承平之盛觀也

天基聖節排當樂次

正月五日

樂奏夾鐘宮感築起萬壽永無疆引子王恩

上壽第一盞感篋起舞聖壽齊天樂慢周潤

第二盞笛起帝壽昌慢潘俊

第三盞笙起昇平樂慢侯璋

第四盞方響起萬方寧慢余勝

第五盞感篋起永遇樂慢楊茂

第六盞笛起壽南山慢盧寧

第七盞笙起戀春光慢任榮祖

第八盞感篋起賞仙花慢王榮顯

第九盞方響起碧牡丹慢彭先

第十盞笛起上苑春慢胡寧

第十一盞笙起慶壽樂慢侯璋

第十二盞觥筩起柳初新慢劉昌

第十三盞諸部合萬壽無疆薄媚曲破

初坐樂奏夷則宮觥筩起上林春引子王榮顯

第一盞觥筩起萬歲梁州曲破齊汝賢

舞頭豪俊邁

舞尾范宗茂



第二盞感篳起聖壽永歌曲子陸恩顯

琵琶起捧瑤卮慢王榮祖

第三盞唱延壽長歌曲子李文慶

嵇琴起花梢月慢李松

第四盞玉軸琵琶獨彈正黃宮萬壽永康寧俞

達

拍王良卿

感篳起慶壽新周潤進彈子笛哨潘俊

杖鼓朱堯卿

拍王良卿

進念致語等時和

伏以華樞紀節瑤池先五日之春玉歷發祥聖世啟千  
齡之運歡騰薄海慶溢大廷恭惟皇帝陛下濬哲如堯  
儉勤邁禹躬行德化躋民壽域之中治洽泰和措世春  
臺之上皇后殿下道符坤順位儼乾剛宮闈資陰教之  
修海寓仰母儀之正有德者必壽六十箇甲子環周中  
命其用休億萬載皇圖鞏固臣等生逢華旦叨預伶官  
輒采聲詩恭陳口號

上聖天生自有真

千齡寶運紀休辰

貫樞瑞彩昭璇象

滿室紅光裊翠麟

黃閣清夷瑤莢曉

未央閒暇玉卮春

箕疇五福咸敷斂

皇極躬持錫庶民

日遲鸞旆喜聆舜樂之和天近鵷墀宜進齊諧之伎

關

上奉天顏吳師賢以下上進小雜劇

雜劇吳師賢以下做君聖臣賢纓斷送萬歲聲

第五盞筵獨吹小石角長生寶宴樂侯璋

拍張亨

笛起降聖樂慢盧寧

雜劇周朝清以下做三京下書斷送瑤池遊  
第六盞箏獨彈高雙調聚仙歡陳儀

拍謝用

方響起堯階樂慢劉

民和

聖花金寶

第七盞玉方響起獨打道調宮聖壽永余勝

拍王良卿

箏起出牆花慢吳宣

雜手藝祝壽進香仙人趙喜

第八盞萬壽祝天基斷隊

第九盞簫起縷金蟬慢傅昌寧

笙起託嬌鶯慢任榮祖

第十盞諸部合齊天樂曲破

再坐第一盞感篋起慶方春慢楊茂

笛起延壽曲慢潘俊

第二盞箏起月中仙慢侯端

嵇琴起壽爐香慢李松

第三盞感篳起慶簫韶慢王榮祖

笙起月明對花燈慢任榮祖

第四盞琵琶獨彈高雙調會羣仙

方響起玉京春慢余勝

雜劇何晏喜以下做楊飯斷送四時歡

第五盞諸部合老人星降黃龍曲破

第六盞感篳獨吹商角調筵前保壽樂

雜劇時和以下做四喏少年遊斷送賀時豐

第七盞鼓笛曲拜舞六么

弄傀儡踢架兒盧逢春

第八盞簫獨吹雙聲調玉簫聲

第九盞諸部合無射宮碎錦梁州歌頭大曲

雜手藝永團圓趙喜

第十盞笛獨吹高平調慶千秋

第十一盞琵琶獨彈大呂調壽齊天

撮弄壽果放生姚潤

第十二盞諸部合萬壽興隆樂法曲

第十三盞方響獨打高宮惜春

傀儡舞鮑老

第十四盞箏琶方響合纏令神曲

第十五盞諸部合夷則羽六么

巧百戲趙喜

第十六盞管下獨吹無射商柳初春

第十七盞鼓板

舞綰壽星姚潤



第十八蓋諸部合梅花伊州

第十九蓋笙獨吹正平調壽長春

傀儡羣仙會盧逢春

第二十蓋感篳起萬花新曲破

祇應人

都管

周朝清 陸思顯

雜劇色

吳師賢

趙恩

王太一

朱旺

猪兒頭

時和

金寶

俞慶

何晏喜

沈定

吳國寶

王壽

趙寧

胡寧

鄭喜

陸壽

歌板色

李文慶

拍板色

王良卿

張亨

謝用

簫色

傅昌寧

朱明復

李允信

箏色

陳儀

豪輔文

吳宣

豪俊賢

徐顯祖

張廣

琵琶色

王榮祖

俞達

豪俊民

豪俊邁

段繼祖

嵇琴色

李松

侯端

孫民顯

笙色

侯璋

葉茂青

任榮祖

董茂

張瑾

潘寶

姚拱

范椿

孫昌

莫正

周珍

馬椿

姚舜臣

陳保

盛篋色

齊汝賢

周潤

楊茂

王恩

王榮顯

姜師賢

劉昌

楊彬

王福

杜明

喻祥

周忠恕

夏福

徐珏

周喜

聞澄

沈壽

丁預

鄭亨

周佐

楊瑾

沈康

鄭聰

莫壽

潘顯祖

時潤

胡侑

周信

李圭

李潤

史顯

金壽

笛色

楊德茂

潘俊

盧寧

彭俊

賀昌

賀壽

胡師文

壽椿

姚寶

張茂祖

崔興

朱珍

張茂才

金貴

潘顯祖

沈壽

周興

李大用

董大有

金明

趙喜

莫及

張春

葉茂

胡寧

任顯

張椿

孫寧

彭俊

李榮

全寧

金彥恭

董喜

王佑

來亨

王喜

顧和

顧松

金顯

董寧

杜松

李椿

張椿

何福

管思齊

朱喜

花椿

李拱辰

方響色

余勝

彭先

劉民和

黃桂

姜大亨

張榮

杖鼓色

朱堯卿

馮喜

時忠

施榮

朱拱辰

周忠

李顯

姚寶

葉茂

李榮祖

大鼓色

王喜

鄧珍

王宣

顧榮

舞旋色

范宗茂



內中上教

張明

倪椿

潘恩

石琇

張琳

弄傀儡盧逢春等六人

雜手藝姚潤等九人

女廝撲張椿等十人

築毬軍陸寶等二十四人

百戲沈慶等六十四人

百禽鳴胡福等二人

武林舊事卷一

欽定四庫全書

武林舊事卷二

宋周密撰

御教

壽皇留意武事在位凡五大閱

乾道二年四年六年淳熙四年十年或幸

白石或幸茅灘或幸龍山一時儀文士馬戈甲旌旗之盛雖各不同今撮其要以著於此

先一日諸軍人馬全裝執色於教場東布列軍幕宿營

至日殿前馬步諸軍先赴教場下方營并親隨軍排列  
將壇之後質明三衙管軍官並全裝從駕上自祥曦殿  
戎服乘馬太子親王宰執近臣並戎服乘馬以從護聖  
馬軍八百騎分執槍旗弓矢軍器前後奏隨軍番部大  
樂寺

詳見後御教  
儀衛次第

駕入教場陞幄殿帥執搢躬奏諸司

人馬排立齊舉黃旗招諸軍向御殿敲梆子一鼓唱喏  
一鼓呼萬歲再一鼓又呼萬歲疊鼓呼萬萬歲又一鼓  
唱喏殿帥奏取聖旨鳴角發嚴上御金裝甲胄登將壇

幄殿鳴角戒嚴殿帥奏取聖旨馬步軍整隊成屯以備  
教戰連三鼓馬軍上馬步軍起旗槍分東西為應敵之  
勢舉白旗教方陣黃旗變圓陣皂旗變曲陣青旗變直  
陣緋旗變銳陣緋心皂旗作長蛇陣緋心白旗作伏虎  
陣殿帥奏取聖旨兩陣各遣勇將挑戰變八圓陣疊鼓  
舉旗左馬軍戰右步軍右馬軍戰左步軍再疊鼓交旗  
擊刺混戰三疊金分陣大勢馬軍四面大戰三疊金分  
陣殿帥奏教陣訖取旨人馬排列當頭鳴角簇隊以俟

放教諸軍呈大刀車砲煙槍諸色武藝御前傳宣撫諭  
將士射生官進獻獐鹿上更衣服賜宰臣以下對御酒  
五行殿帥奏取聖旨謝恩如前唱喏訖駕出教場是日  
太上皇於都亭驛設簾幄以觀駕至邀上入幄宣喚管  
軍官賜大金碗酒於簾外都人贊嘆以為盛觀時殿司  
旗幟以黃馬司以緋步司以白以道路狹促止用從駕  
軍一萬二千四百人分為二百四十八小隊戈甲耀日  
旌旗蔽天連亘二十餘里粲如錦繡都人縱觀以為前

所未有凡支犒金銀錢帛以鉅萬計悉出內庫戶部不與焉

御教儀衛次第

文物儀衛並同四孟駕出今止添入後項

彈壓前隊侍立使臣都轄

執黃龍旗使臣

執繡龍旂使臣

帶弓箭汗騰豹尾使臣四員

帶汗騰員騎劍使臣十員

彈壓後隊侍立使臣都轄

黃羅戲珠龍旗

黃繡龍旗二

豹尾使臣四

員騎劍使臣十人

供進馬四疋

帶甲御馬

御前全裝甲馬

管押使臣幕士

內中正供馬

獸醫押槽

黃繡龍傳宣旗二

小黃傳宣旗十

隨逐巡視官

馬院禁衛官

引馬監官二員

供馬監官二員



聖駕供鞭通管二員

擬梢提轄二員

日烏獨脚旗

挾駕指揮使四十二人

銷金龍旗二

犀皮御座椅

鈴鎚刀子

左

匙筋刀子

右

青氈御笠

褐氈御笠

金鳳瓶

絲鞵篋子

御膳篋子

玉靶子闌刀

馬腦子闌刀

水晶子闌刀

金洗嗽

皂白御靴

通犀于闐刀

角靶于闐刀

酒斃子

大小

白虎皮杖槓

白豹皮杖槓

梳刷馬盂袋

黑漆套盤

圭木套盤

銷金弓箭葫蘆

虎豹皮弓箭袋葫蘆

飲水角

拍板二

哨笛四

番鼓二十四人

彈壓樂器使臣

管押訓練官

杏黃龍旗二

威篋二

札子九

大鼓十

龍笛四

從駕官宰臣以下

並如常日

臨安府彈壓官屬

燕射

淳熙元年九月孝宗幸玉津園講燕射禮皇太子宰執使相侍從正任皆從輦至殿門外少駐教坊進念致語

口號作樂出麗正門由嘉會門至玉津園賜宴酒三行  
上服頭巾窄衣束帶絲鞵臨軒內侍御帶進弓箭看箭  
人喝看御箭教坊樂作射垛前排立招箭班應喏皇帝  
第二箭射中皇太子以下各再拜稱賀進御酒并宣勸  
訖皇太子以下及臣僚射弓第四箭射中上再射第五  
箭又中的傳旨不賀舍人先引皇太子當殿賜窄衣金  
束帶次引射中臣僚受賜如前再進御酒奏樂用雜劇  
次賜宰臣以下十兩銀碗各一隻上賦七言詩丞相曾

懷以下屬和以進上乘逍遙輦出玉津園門教坊進念  
口號至祥曦殿降輦招箭班者服紫衣幘頭叉手立於  
堦前御箭之來能以幘頭取勢轉導入的亦絕技也

### 公主下降

南渡以來公主無及嫁者獨理宗朝周漢國公主出降  
慈明太后姪孫楊鎮禮文頗盛今撫梗槩於此

先是擇日遣天使宣召駙馬至東華門引見便殿賜玉  
帶靴笏鞍馬及紅羅百疋銀器百兩衣著百疋聘財銀

一萬兩對御賜筵五盞用教坊樂俟畢謝恩訖乘塗金御仙花鞍轡狨座馬執絲鞭張三簷繖教坊樂部五十人前引還第謂之宣繫進財物件並照國朝會要太常寺闕報有司辦造

先一月宣宰執常服繫鞵詣後殿西廊觀看公主房奩

真珠九翬四鳳冠

綸翟衣一副

真珠玉珮一副

金革帶一條

玉龍冠

綬玉環

北珠冠花篋環

七寶冠花篋環

真珠大衣背子

真珠翠領四時衣服

累珠嵌寶金器

塗金器

貼金器

出從貼金銀裝擔等

錦繡銷金帳幔陳設茵褥地衣步障等物

其日駙馬常服玉帶乘馬至和寧門易冕服至東華門  
用雁幣玉馬等行親迎禮用熙寧故事

公主戴九翬四鳳冠服褕翟纁袖升轎其前

天文官

本位從物從人

燭籠二十

本位使臣

插釵童子八人

方扇四

圓扇四

引障花十

提燈二十

行障坐障

皇后親送乘九龍轎子皇太子乘馬圍子左右兩重其  
後太師判宗正寺榮王榮王夫人及諸命婦至第賜御  
筵九盞筵畢皇后太子先還公主歸位行同牢禮

用開寶禮



然後親行盥饋舅姑之禮

開寶通禮

謁見舅姑用名紙一副

衣一襲手帕一合糲盞藻豆袋銀器三百兩衣著五百疋餘親各有差三朝公主駙馬並入內謝恩宣賜禮物賜宴禁中外廷奉表稱賀賜宰執親王侍從內職管軍副都指使以上金銀錢幣會子有差

依熙寧式

駙馬家親屬

各等第推恩

唱名

第一名承事郎

第二名第三名並文林郎

第一甲賜進士及第

第二甲同進士及第

第三甲四甲賜進士出身

第五甲同進士出身

武舉第一名秉義郎

特奏第一名同進士出身

上御集英殿拆號唱進士名各賜綠襴袍白簡黃襯衫  
武舉人賜紫羅袍鍍金帶牙笏賜狀元等三人酒食五  
盞餘人各賜泡飯前三名各進謝恩詩一首皆重戴綠  
袍絲鞭駿馬快行各持黃勅於前黃旗雜遝多至數十

百面各書詩句於上呵殿如雲皆平日交遊親舊相迓  
之人或三學使令齋臧輩若執事之人則係帥漕司差  
到狀元局祇應亦有術人相士輩自衙預定魁選鼓舞  
於中自東華門至期集所豪家貴邸競列綵幕縱觀其  
有少年未有室家者亦往往於此擇壻焉期集所例置  
局於禮部貢院前三人主之於內遴選所長以充職事  
有糾彈牋表主管題名小錄掌儀典客掌計掌器掌膳  
掌酒果監門等後旬日朝謝又數日拜黃甲叙同年其

儀三名設褥於堂上東西相向四十以上立於東廊四十以下立於西廊皆再拜拜已擇榜中年長者一人狀元拜之復擇少者一人拜狀元又數日赴國子監謁謝先聖先師訖賜聞喜宴於局中侍從以上及館職皆與知舉官押宴遂立題名石刻凡費悉出於官及諸閭閻遺云

元正

朝廷元日冬至行大朝會儀則百官冠冕朝服備法駕

設黃麾仗三千三百五十人

視東京已減三之一

用太常雅樂宮

架登歌太子上公親王宰執並赴紫宸殿立班進酒上

千萬歲壽上公致詞樞密宣答次諸國使人及諸州入

獻朝賀然後奏樂進酒賜宴此禮不能常行每歲禁中

止是以三茅鐘鳴駕輿上服幘頭玉帶靴袍先詣福寧

殿龍墀及聖堂炷香

用蠟沈腦子

次至天章閣祖宗神御殿

行酌獻禮次詣東朝奉賀復回福寧殿受皇后太子皇

子公主貴妃至郡夫人內官大內以下賀賀畢駕始過

大慶殿御史臺閣門分引文武百僚追班稱賀大起居  
十六拜致詞上壽樞密宣答禮畢放仗是日後苑排辦  
御筵於清熙殿用插食盤架午後修內司排辦晚筵於  
慶瑞殿用烟火進市食賞燈並如元夕

立春

前一日臨安府進大春牛設之福寧殿庭及駕臨幸內  
官皆用五色絲綵杖鞭牛御藥院例取牛睛以充眼藥  
餘屬直閤婆

號管人  
都行首

掌管預造小春牛數十飾綵幡雪

柳分送殿閣巨璫各隨以金銀錢彩段為酬是日賜百  
官春幡勝宰執親王以金餘以金裏銀及羅帛為之係  
文思院造進各垂於幘頭之左入謝後苑辦造春盤供  
進及分賜貴邸宰臣巨璫翠縷紅絲金雞玉燕備極精  
巧每盤直萬錢學士院撰進春帖子帝后貴妃夫人諸  
閣各有定式絳羅金縷華粲可觀臨安府亦鞭春開宴  
而邸第饋遺則多效內廷焉

元夕

禁中自去歲九月賞菊燈之後迤邐試燈謂之預賞一  
入新正燈火日盛皆修內司諸璫分主之競出新意年  
異而歲不同往往於復古膺福清熙明華等殿張掛及  
宣德門梅堂三間臺等處臨時取旨起立鰲山燈之品  
極多見後燈品每以蘇燈為最圖片大者徑三四尺皆五色  
琉璃所成山水人物花竹翎毛種種奇妙儼然著色便  
面也其後福州所進則純用白玉晃耀奪目如清冰玉  
壺爽徹心目近歲新安所進益奇雖圈骨悉皆琉璃所



為號無骨燈禁中嘗令作琉璃燈山其高五丈人物皆用機關活動結大綵樓貯之又於殿堂梁棟窻戶間為涌壁作諸色故事龍鳳嚙水蜿蜒如生遂為諸燈之冠前後設玉柵簾寶光花影不可正視仙韶內人迭奏新曲聲聞人間殿上鋪連五色琉璃閣皆毬文戲龍百花小窻間垂小水晶簾流蘇寶帶交映璀璨中設御座恍然如在廣寒清虛府中也至二鼓上乘小輦幸宣德門觀鰲山擎輦者皆倒行以便觀燈金爐腦麝如祥雲五

色熒煌炫轉照耀天地山燈凡數千百種極其新巧恠  
恠奇奇無所不有中以五色玉柵簇成皇帝萬歲四大  
字其上伶官奏樂稱念口號致語其下為大露臺百藝  
羣工競呈奇技內人及小黃門百餘皆巾裹翠蛾微街  
坊清樂傀儡繚繞於燈月之下既而取旨宣喚市井舞  
隊及市食盤架先是京尹預擇華潔及善歌叫者謹伺  
於外至是歌呼競入既經進御妃嬪內人而下亦爭買  
之皆數倍得直金珠磊落有一夕而至富者宮漏既深

始宣放烟火百餘架於是樂聲四起燭影縱橫而駕始還矣大率倣宣和盛際愈加精妙時無登樓賜宴之事人間不能詳知耳

都城自舊歲冬孟駕回則已有乘肩小女鼓吹舞綰者數十隊以供貴邸豪家幕次之翫而天街茶肆漸已羅列燈毬等求售謂之燈市自此以後每夕皆然三橋等處客邸最盛舞者往來最多每夕樓燈初上則簫鼓已紛然自獻於下酒邊一笑所費殊不多往往至四鼓乃

還自此日盛一日姜白石有詩云燈已闌珊月色寒舞  
兒往往夜深還只應不盡婆婆意更向街心弄影看又  
云南陌東城盡舞兒畫金刺繡滿羅衣也知愛惜春遊  
夜舞落銀蟾不肯歸吳夢應玉樓春云茸茸羅帽遮梅  
額金蟬羅剪胡衫窄乘肩爭看小腰身倦態強隨閒鼓  
笛問稱家在城東陌欲買千金應不惜歸來困頓殢春  
眠猶夢婆婆斜趁拍深得其意態也至節後漸有大隊  
如四國朝傀儡杵歌之類日趨於盛其多至數十百隊

天府每日差官點視各給錢酒油燭多寡有差且使之南至昇陽宮支酒燭北至春風樓支錢終日天街鼓吹不絕都城士女羅綺如雲蓋無夕不然也至五夜則京尹乘小提轎諸舞隊次第簇擁前後連亘十餘里錦繡填委簫鼓振作耳目不暇給吏魁以大囊貯楮券凡遇小經紀人必攜數十謂之買市至有黠者以小盤貯梨藕數片騰身迭出於稠人之中支請官錢數次者亦不禁也李寶房詩云斜陽盡處蕩輕烟輦路東風入管絃

五夜好香隨步暖一年明月打頭圓香塵掠粉翻羅帶  
密炬籠綃闌玉鈿人影漸稀花露冷踏歌聲度曉雲邊  
京尹幕次例占市西坊繁鬧之地簫燭粼盆照耀如晝  
其前列荷校囚數人大書犯由云某人為不合搶撲釵  
環挨擔婦女繼而行遣謂之裝燈其實皆三獄罪囚姑  
借此以警奸民又分委府僚巡警風燭及命都轄房使  
臣等分任地方以緝姦盜三獄亦張燈建淨獄道場多  
裝獄戶故事及陳列獄具邸第好事者如清河張府將

御藥家間設雅戲烟火花邊水際燈燭粲然遊人士女  
縱觀則迎門酌酒而去又有幽坊靜巷好事之家多設  
五色琉璃泡燈更自雅潔靚粧笑語望之如神仙白石  
詩云沙河雲合無行處惆悵來遊路已迷却入靜坊燈  
火空門門相似列蛾眉又云遊人歸後天街靜坊陌人  
家未閉門簾裏垂燈照樽俎坐中嬉笑覺春溫或戲於  
小樓以人為大影戲兒童歡呼終夕不絕此類不可遽  
數也西湖諸寺惟三竺張燈最盛往往有宮禁所賜貴

璫所遺者都人好奇亦往觀焉白石詩云珠絡琉璃到  
地垂鳳頭銜帶玉交枝君王不賞無人進天竺堂深夜  
雨時元夕節物婦人皆帶珠翠鬧蛾玉梅雪柳菩提葉  
燈毬銷金合蟬貂袖項帕而衣多尚白蓋月下所宜也  
游手浮浪輩則以白紙為大蟬謂之夜蛾又以棗肉炭  
屑為丸繫以鐵絲然之名火楊梅節食所尚則乳糖團  
子鎚餡料斗粉豉湯水晶膾韭餅及南北珍果并兒  
糕宜利少澄沙糰子滴酥鮑螺酪麪玉消膏琥珀錫輕



錫生熟灌藕諸色龍纏蜜煎蜜裏糖瓜菱煎七寶薑豉  
十般糖之類皆用鏤鏰裝花盤架車兒簇插飛蛾紅燈  
綵盞歌叫喧闌幕次往往使之吟叫倍酬其直白石亦  
有詩云貴客鈎簾看御街市中珍品一時來簾前花架  
無行路不得金錢不肯回競以金盤鈿合簇釘餽遺謂  
之市食合兒翠簾綃幕絳燭紗籠遍呈舞隊密擁歌姬  
脆管清吭新聲交奏戲具紛嬰鬻歌售藝者紛然而集  
至夜闌則有持小燈照路拾遺者謂之掃街遺鈿墮珥

往往得之亦東都遺風也

舞隊

大小全棚傀儡

查查鬼

查大

李大口

一字口

賀豐年

長瓢斂

長頭

兔吉

兔毛大

吃遂

大憨兒

麤姐

麻婆子

快活三郎

黃金杏

瞎判官

快活三娘

沈承務

一臉膜

貓兒相公

洞公嘴

細姐

河東子

黑遂

王缺兒

交椅

夾棒

村田樂

男女竹馬

男女杵歌

大小斫刀鮑老

交袞鮑老

子弟清音

女童清音 諸國獻寶

六國朝

四國朝

穿心國入貢

孫武子教女兵

遏雲社

緋綠社

胡女

鳳阮嵇琴

撲蝴蝶

回陽丹

火藥

瓦盆歌

焦鎚架兒

喬三教

喬迎酒

喬親事

喬樂神

馬明王

喬捉蛇

喬學堂

喬宅眷

喬像生

喬師娘

獨自喬

地仙

旱划船

教象

裝態

屏風

鼓板

踏蹻

撲旗

抱鑼裝鬼

獅豹蠻牌

十齋郎

耍和尚

劉袞

散錢行

貨郎

打嬌惜

其品甚夥不可悉數首飾衣裝相矜侈靡珠翠錦綺眩  
耀華麗如傀儡杵歌竹馬之類多至十餘隊十二十三

兩日國忌禁樂則有裝宅眷籠燈前引珠翠盛飾少年  
尾其後訶殿而來卒然過之不辨真偽及為喬經紀人  
如賣蜂糖餅小八塊風子賣字本虔婆賣旗兒之類以  
資一笑者尤多也

### 燈品

燈品至多蘇福為冠新安晚出精妙絕倫所謂無骨燈  
者其法用絹囊貯粟為胎因之燒綴及成去粟則混然  
玻璃球也景物奇巧前無其比又為大屏灌水轉機百

物活動趙忠惠守吳日嘗命製春雨堂五大間左為汴  
京御樓右為武林燈市歌舞雜藝纖悉曲盡凡用千工  
外此有魷燈則移鏤犀珀玳瑁以飾之珠子燈則以五  
色珠為網下垂流蘇或為龍船鳳輦樓臺故事羊皮燈  
則簇縷精巧五色粧染如影戲之法羅帛燈之類尤多  
或為百花或細眼間以紅白號萬眼羅者此種最奇外  
此有五色蠟紙菩提葉若沙戲影燈馬騎人物旋轉如  
飛又有深閨巧娃剪紙而成尤為精妙又有絹燈剪寫

詩詞時寓譏諷及畫人物藏頭隱語及舊京譚語戲弄  
行人有貴邸嘗出新意以細竹絲為之加以彩飾疎明  
可愛穆陵喜之令製百盞期限既迫勢難卒成而內苑  
諸璫恥於不自已出思所以勝之遂以黃草布剪縷加  
之點染與竹無異凡兩日百盞已進御矣

挑菜

二月一日謂之中和節唐人最重今惟作假及進單羅  
御服百官服單羅公裳而已二日宮中排辦挑菜御宴

先是內苑預備朱綠花斛下以羅帛作小卷書品目於上繫以紅絲上植生菜薺花諸品俟宴酬樂作自中殿以次各以金篋挑之后妃皇子貴主嬪好及都知等皆有賞無罰以次每斛十號五紅字為賞五黑字為罰上賞則成號真珠玉杯金器北珠篋環珠翠領抹次亦鍔銀酒器冠鍔翠色段帛龍涎御扇筆墨官審定器之類罰則舞唱吟詩念佛飲冷水吃生薑之類用此以資戲笑王宮貴邸亦多倣之



進茶

仲春上旬福建漕司進第一綱茶名北苑試新皆方寸  
小卷進御止百卷護以黃羅軟蓋藉以青簞裏以黃羅  
夾複臣封朱印外用朱漆小匣鍍金鎖又以細竹絲織  
笈貯之凡數重此乃雀舌水芽所造一卷之直四十萬  
僅可供數甌之啜耳或以一二賜外郎則以生線分解  
轉遺好事以為奇玩茶之初進御也翰林司例有品嘗  
之費皆漕司邸吏賂之間不滿欲則入鹽少許茗花為

之散漫而味亦漓矣禁中大慶會則用大鍍金斃以五色韵果簇釘龍鳳謂之繡茶不過悅目亦有專工者外人罕知因附見於此

賞花

禁中賞花非一先期後苑及修內司分任排辦凡諸苑亭榭花木粧點一新錦簾綃幕飛梭綉毬以至裊褥設放器玩盆窠珍禽異物各務奇麗又命小璫內司列肆關撲珠翠冠朵篋環繡段畫領花扇官窰定器孩兒戲

具闌竿龍船等物及有賣買果木酒食餅餌蔬茹之類  
莫不備具悉做西湖景物起自梅堂賞梅芳春堂賞杏  
花桃源觀桃聚錦堂金林檎照粧亭海棠蘭亭修禊至  
於鍾美堂賞大花為極盛堂三面皆花石為臺三層各  
植名品標以象牌覆以碧幕臺後分植玉綉球數百株  
儼如鏤玉屏堂內左右各列三層雕花彩檻護以彩色  
牡丹畫衣間列碾玉水晶金壺及大食玻璃官窰等瓶  
各簪奇品如姚魏御衣黃照殿紅之類幾千朶別以銀

箔間貼大斛分種數千百窠分列四面至於梁棟窻戶間亦以湘筒貯花鱗次簇插何啻萬朵堂中設牡丹紅錦地茵自中殿妃嬪以至內官各賜翠葉牡丹分枝鋪翠牡丹御書畫扇龍涎金合之類有差下至伶官樂部應奉等人亦霑恩賜謂之隨花賞或天顏悅懌謝恩賜予多至數次至春暮則稽古堂會瀛堂賞瓊花靜侶亭紫笑淨香亭采蘭挑筍則春事已在綠陰芳草間矣大內宴賞初坐再坐插食盤架者謂之排當否則但謂之

進酒

武林舊事卷二

欽定四庫全書

武林舊事卷三

宋周密撰

西湖遊幸

都人遊賞

淳熙間壽皇以天下養每奉德壽三殿遊幸湖山御大龍舟宰執從官以至太璫應奉諸司及京府彈壓等各乘大舫無慮數百時承平日久樂與民同凡遊觀買賣皆無所禁畫楫輕舫旁午如織至於果蔬羹酒闌撲宜

男戲具鬧竿花藍畫扇彩旗糖魚粉餌時花泥嬰等謂之塗中土宜又有珠翠冠梳銷金彩段犀鈿髹漆織藤蜜器玩具等物無不羅列如先賢堂三賢堂四聖觀等處最盛或有以輕撓趨逐求售者歌妓舞鬟嚴粧自街以待招呼者謂之水仙子至於吹彈舞拍雜劇雜扮撮弄勝花泥丸鼓板投壺花彈蹴鞠分茶弄水踏浪水撥盆雜藝散耍謳唱息器教水族飛禽水傀儡鬻道術烟火起輪走線流星水瀑風箏不可指數總謂之趕趁人



蓋耳目不暇給焉御舟四垂珠簾錦幕懸掛七寶珠翠  
龍船梭子鬧竿花籃等物宮姬韶部儼如神仙天香濃  
郁花柳避妍小舟時有宣喚賜予如宋五嫂魚羹嘗經  
御賞人所共趨遂成富媼朱靜佳六言詩云柳下白頭  
釣叟不知生長何年前度君王遊幸賣魚收得金錢往  
往修舊京金明池故事以安太上之心豈特事遊觀之  
美哉湖上御園南有聚景真珠南屏北有集芳延祥玉  
壺然亦多幸聚景焉一日御舟經斷橋橋旁有小酒肆

頗雅潔中飾素屏風書風入松一詞於上光堯駐目稱  
賞久之宣問何人所作乃太學生俞國寶醉筆也其詞  
云一春長費買花錢日日醉湖邊玉驄慣識西湖路驕  
嘶過沽酒樓前紅杏香中歌舞綠楊影裏鞦韆暖風十  
里麗人天花壓髻雲偏畫船載取春歸去餘情付湖水  
湖烟明日重攜殘酒來尋陌上花鈿上笑曰此詞甚好  
但末句未免儒酸因為改定云明日重扶殘醉則迴不  
同矣即日命解褐云

西湖天下景朝昏晴雨四序總宜杭人亦無時而不遊而春遊特盛焉承平時頭船如大綠間綠十樣錦百花寶勝明王之類何翅百餘其次則不計其數皆華麗雅靚誇奇競好而都人凡締姻賽社會親送葬經會獻神仕宦恩賞之經營禁省臺府之囑託貴璫要地大賈豪民買笑千金呼盧百萬以至癡兒騃子密約幽期無不在焉日糜金錢靡有紀極故杭諺有銷金鍋兒之號此語不為過也

都城自過收燈貴遊巨室皆爭先出郊謂之探春至禁  
烟為最盛龍舟十餘綵旗疊鼓交午曼衍粲如織錦內  
有曾經宣喚者則錦衣花帽以自別於衆京尹為立賞  
格競渡爭標內瑤貴客賞槁無算都人士女兩堤駢集  
幾於無置足地水面畫楫櫓比如魚鱗亦無行舟之路  
歌歡蕭鼓之聲振動遠近其盛可以想見若遊之次第  
則先南而後北至午則盡入西泠橋裏湖其外幾無一  
舸矣弁陽老人有詞云看畫船盡入西泠閒却半湖春

色蓋紀實也既而小泊斷橋千舫駢集歌管喧奏粉黛  
羅列最為繁盛橋上少年郎競縱紙鳶以相勾牽剪裁  
以線絕者為負此雖小伎亦有嵩門爆仗起輪走線之  
戲多設於此至花影暗而月華生始漸散去絳紗籠燭  
車馬爭門日以為常張武子詩云帖帖平湖印晚天踏  
歌遊女錦相牽都城半掩人爭路猶有胡琴落後船最  
能狀此景茂陵在御畧無遊幸之事離宮別館不復增  
修黃洪詩云龍舟大半設西湖此是先皇節儉圖三十

六年安靜裏擢歌一曲在康衢理宗時亦嘗製一舟悉用香楠木槍金為之亦極華侈然終於不用至景定間周漢國公主得旨偕駙馬都尉楊鎮汎湖一時文物亦盛髣髴承明之舊傾城縱觀都人為之罷市然是時先朝龍舫久已沉沒獨有小舟號小烏龍者以賜楊郡王之故尚在其舟平底有柁製度簡樸或傳此舟每出必有風雨余嘗屢乘初無此異也

放春

蔣苑使有小圃不滿二畝而花木匠匠亭榭奇巧春時  
悉以所有書畫玩器冠花器弄之物羅列滿前戲效闌  
撲有珠翠冠僅大如錢者鬧竿花籃之類悉皆縷絲玉  
金為之極其精妙且立標竿射垛及鞦韆梭門闢雞蹴  
踘諸戲事以娛遊客衣冠士女至者招邀杯酒往往過  
禁烟乃已蓋效禁苑具體而微者也

社會

二月八日為桐川張王生辰霍山行宮朝拜極盛百戲

競集如排綠社

劇

齊雲社

蹴

過雲社

唱

同文社

詞

角觥

社

相

清音社

樂

錦標社

射

錦體社

花

英畧社

使

雄辯社

小翠錦社

行

繪草社

戲

淨髮社

梳

律華社

吟

雲機社

攝

而七寶瀉馬二會為最玉山寶帶尺璧寸珠璀璨奪目

而天驥龍媒絨韉寶轡競賞神駿好奇者至剪毛為花

草人物厨行果局窮極肴核之珍有所謂意思作者悉

以通草羅帛雕飾為樓臺故事之類飾以珠翠極其精

緻一盤至直數萬然皆浮靡無用之物不過資一玩耳



奇禽則紅鸚白雀水族則銀蟹金龜高麗華山之奇松  
交廣海嶠之異卉不可縷數莫非動心駭目之觀也若  
三月三日殿司真武會三月二十八日東嶽生辰社會  
之盛大率類此不暇贅陳

祭掃

清明前三日為寒食節都城人家皆插柳滿簷雖小坊  
幽居亦青青可愛大家則加棗餠於柳上然多取之湖  
隄有詩云莫把青青都折盡明朝更有出城人朝廷遣

臺臣中使宮人車馬朝饗諸陵原廟薦獻用麥糕稠餠而人家上塚者多用棗餠薑豉南北兩山之間車馬紛然而野祭者尤多如大昭慶九曲等處婦人淡裝素衣提攜兒女酒壺肴饌村店山家分飯遊息至暮則花柳土宜隨車而歸若玉津富景御園包家山之桃園東青門之菜市東西馬塍尼菴道院尋芳討勝極意縱遊隨處各有買賣趕趁等人野果山花別有幽趣蓋輦下驕民無日不在春風歌舞中而游手末伎為尤盛也

浴佛

四月八為佛誕日諸寺院各有浴佛會僧尼輩競以小盆貯銅像浸以糖水覆以花棚饒鉦交迎遍往邸第富室以小杓澆灌以求施利是日西湖作放生會舟楫甚盛畧如春時小舟競賣龜魚螺蚌放生

迎新

戶部點檢所十三酒庫例於四月初開煮九月初開清先是提領所呈樣品嘗然後迎引至諸所隸官府而散

每庫各用疋布書庫名高品以長竿懸之謂之布牌以木牀鐵擎為仙佛鬼神之類駕空飛動謂之臺閣雜劇百戲諸藝之外又為漁父習閑竹馬出獵八仙故事及會妓家女使裹頭花巾為新好庫妓之瑱瑱者皆珠翠盛飾銷金紅背乘繡鞦寶勒駿騎各有皂衣黃號私身數對訶導於前羅扇衣笈浮浪間客隨逐於後少年狎客往往簇釘持杯爭勸馬首金錢綵段霑及輿臺都人習以為常不為怪笑所經之地高樓邃閣繡幕如雲累

足駢肩真所謂萬人海也

端午

先期學士院供帖子如春日禁中排當例用朔日謂之  
端一或傳舊京亦然插食盈架設天師艾虎意思山子  
數十座五色蒲絲百草霜以大合三層飾以珠翠葵榴  
艾花蜈蚣蛇蝎蜥蜴等謂之毒蟲及作糖霜韻果糖蜜  
巧粽極其精巧又以大金瓶數十遍插葵榴梔子花環  
繞殿閣又分賜后妃諸閣大璫近侍翠葉五色葵榴金

欽定四庫全書

卷三

絲翠扇真珠百索釵符經筒香囊軟香龍涎佩帶及紫  
練白葛紅蕉之類大臣貴邸均被細葛香羅蒲絲艾朶  
彩團巧粽之賜而外邸節物大率效尤焉巧粽之品不  
一至結為樓臺舫輅又以青羅作赤口白舌帖子與艾  
人並懸門楣以為禳禳道宮法院多送佩帶符篆而市  
人門首各設大盆雜植艾虎葵花上掛五色紙錢排釘  
果粽雖貧者亦然湖中是日遊舫亦盛蓋迺避炎暑晏遊  
漸稀故也俗以此日為馬本命凡御廐邸第上乘悉用五

彩為鬚尾之飾奇鵲寶轡充滿道途亦可觀玩也

禁中納涼

禁中避暑多御復古選德等殿又翠寒堂納涼長松修竹濃翠蔽日層巒奇岫靜窈縈深寒瀑飛空下注大池可十畝池中紅白菡萏萬柄蓋園丁以瓦盎別種分列水底時易新者庶幾美觀又置茉莉素馨建蘭麝香藤朱槿玉桂紅蕉閨婆簷蔔等南花數百盆於廣庭鼓以風輪清芬滿殿御筯兩旁各設金盆數十架積雪如山

欽定四庫全書

卷三

紗厨後先皆懸掛伽蘭木真蠟龍涎等香珠百餘蔗漿  
金盃珍果玉壺初不知人間有塵暑也聞洪景盧學士  
嘗賜對於翠寒堂當三伏中體栗戰慄不可久立上問  
故笑遣中貴人以北綾半臂賜之則境界可想見矣

都人避暑

六月六日顯應觀崔府君誕辰自東都時廟食已盛是  
日都人士女駢集炷香已而登舟泛湖為避暑之遊時  
物則新荔枝軍庭李二果產閩奉化項里之楊梅聚景



園之秀蓮新藕蜜筒甜瓜椒核枇杷紫菱碧芡來禽金  
桃蜜漬昌元梅木瓜豆兒水荔枝膏金橘水糲麻飲芥  
辣白醪凉水冰雪爽口之物關樸香囊畫扇涎花珠佩  
而茉莉為最盛初出之時其價甚穹婦人簇帶多至七  
插所直數十券不過供一餉之娛耳蓋入夏則遊船不  
復入裏湖多占蒲深柳密寬涼之地披襟釣水月上始  
還或好事者則敞大舫設蘄簟高枕取涼櫛髮快浴惟  
取適意或留宿湖心竟夕而歸

乞巧

立秋日都人戴楸葉飲秋水赤小豆七夕節物多尚果  
食菹雞及泥孩兒號摩睺羅有極精巧飾以金珠者其  
直不貲併以蠟印鳬雁水禽之類浮之水上婦人女子  
至夜對月穿鍼鉗釘盃盤飲酒為樂謂之乞巧及以小  
蜘蛛貯合內以候結網之疎密為得巧之多少小兒女  
多衣荷葉半臂手持荷葉效顰摩睺羅大抵皆舊俗也  
七夕前修內司例進摩睺羅十桌每桌三十枚大者至

高三尺或用象牙雕鏤或用龍涎佛手香製造悉用鏤金珠翠衣帽金錢釵釵佩環真珠頭髮及手中所執戲具皆七寶為之各護以五色鏤金紗厨制閭貴臣及京府等處至有鑄金為貢者宮姬市娃冠花衣領皆以乞巧時物為飾焉

中元

七月十五日道家謂之中元節各有齋醮等會僧寺則於此日作盂蘭盆齋而人家亦以此日祀先例用新米

新醬冥衣時果綵段麪棊而茹素者幾十八九屠門為之罷市焉

中秋

禁中是夕有賞月延桂排當如倚桂閣秋暉堂碧岑皆臨時取旨夜深天樂直徹人間御街如絨線蜜煎香鋪皆鋪設貨物誇多競好謂之歇眼燈燭華燦竟夕乃止此夕浙江放一點紅羊皮小水燈數十萬盞浮滿水面爛如繁星有足觀者或謂此乃江神所喜非徒事觀美

也

觀潮

浙江之潮天下之偉觀也自既望以至十八日為最盛  
方其遠出海門僅如銀線既而漸定則玉城雪嶺際天  
而來大聲如雷霆震撼激射吞天沃日勢極雄豪楊誠  
齋詩云海闊銀為郭江橫玉繫腰者是也每歲京尹出  
浙江亭教閱水軍艨艟數百分列兩岸既而盡奔騰分  
合五陣之勢并有乘騎弄旗標槍舞刀於水面者如履

平地倏爾黃烟四起人物畧不相覩水爆轟震聲如崩  
山烟消波靜則一舸無迹僅有數舟為火所焚隨波而  
逝吳兒善泅者數百皆披髮文身手持十幅大綵旗爭  
先鼓勇泝迎而上出沒於鯨波萬仞中騰身百變而旗  
尾略不需濕以此誇能而豪民貴宦爭賞銀綵江干上  
下十餘里間珠翠羅綺溢目車馬塞途飲食百物皆倍  
穹常時而僦賃看幕雖席地不容間也禁中例觀潮於  
天開圖畫高臺下瞰如在指掌都民遙瞻黃繖雉扇於

九霄之上真若簫臺蓬島也

重九

禁中例於八日作重九排當於慶瑞殿分列萬菊燦然  
眩眼且點菊燈畧如元夕內人樂部亦有隨花賞如前  
賞花例蓋賞燈之宴權輿於此自是日盛矣或於清燕  
殿綴金亭賞橙橘遇郊祀歲則罷宴

都人是月飲新酒汎萸簪菊且各以菊糕為饋以糖肉  
秫麪雜糅為之上縷肉絲鴨餅綴以榴顆標以綵旗又

作蠻王獅子於上及糜栗為屑合以蜂蜜印花脫餅以  
為果餌又以蘇子微漬梅酒雜和蔗霜梨橙玉榴小顆  
名曰春蘭秋菊雨後新涼則已有炒銀杏梧桐子吟叫  
於市矣

開爐

是日御前供進夾羅御服臣僚服錦襖子夾公服授衣  
之意也自此御爐日設火至明年二月朔止皇后殿開  
爐節排當是月遣使朝陵如寒食儀都人亦出郊拜墓



用綿毬楮衣之類

冬至

朝廷大朝會慶賀排當並如元旦儀而都人最重一陽  
賀久車馬皆華整鮮好五鼓已填擁雜還於九街婦人  
小兒服飾華炫往來如雲嶽祠城隍諸廟炷香者尤盛  
三日之內店肆皆罷市垂簾飲博謂之做節享先則以  
餛飩有冬餛飩年饑飫之諺貴家求奇一器凡十餘色  
謂之百味餛飩

賞雪

禁中賞雪多御明遠樓

禁中稱楠木樓

後苑進大小雪獅兒並

以金鈴綵縷為飾且作雪花雪燈雪山之類及滴酥為  
花及諸事件並以金盆盛進以供賞玩并造雜煎品味  
如春盤餠釘羊糕兒酒以賜并於內藏庫支撥官券數  
百萬以犒諸軍及令臨安府分給貧民或皇后殿別自  
支犒而貴家富室亦各以錢米犒閭里之貧者

歲除

禁中以臘月二十四日為小節夜三十日為大節夜呈  
女童驅儼裝六丁六甲六神之類大率如夢華所載後  
苑修內司各進消夜果兒以大合簇釘凡百餘種如蜜  
煎珍果下至花餠箕豆以至玉杯寶器珠翠花朵犀象  
博戲之具銷金斗葉諸色戲弄之物無不備具皆極小  
巧又於其上作玉輅高至三四尺悉以金玉等為飾護  
以貼金龍鳳羅罩以奇侈求勝一合之費不啻中人十  
家之產止以資天顏一笑耳后妃諸閣又各進歲軸兒

及珠翠百事吉利市袋兒小樣金銀器皿并隨年金錢一百二十文旋亦分賜親王貴邸宰臣巨璫至於爆杖有為果子人物等類不一而殿司所進屏風外畫鍾馗捕鬼之類而內藏藥線一熱連百餘不絕簫鼓迎春鷄人警唱而玉漏漸移金門已啟矣

歲晚節物

臘月賜宰執親王三衙從官內侍省官并外間前宰執等臘藥係和劑局方造進及御藥院特旨製造銀合各

一百兩以至五十兩三十兩各有差伏日賜暑藥亦同  
都下自十月以來朝天門內外競售錦裝新歷諸般大  
小門神桃符鍾馗狻猊虎頭及金綵縷花春帖旂勝之  
類為市甚盛八日則市院及人家用胡桃松子乳蕈柿  
栗之類作粥謂之臘八粥醫家亦多合藥劑侑以虎頭  
丹八神屠蘇貯以絳囊饋遺大家謂之臘藥至於餽歲  
盤合酒擔羊腔充斥道路二十四日謂之交年紀竈用  
花錫米餌及燒替代及作糖豆粥謂之口數市井迎儺

以鑼鼓遍至人家乞求利市至除夜則比屋以五色錢  
紙酒果以迎送六神於門至夜黃燭粃盆紅映霄漢爆  
竹鼓吹之聲喧闐徹夜謂之聒聽小兒女終夕博戲不  
寐謂之守歲又明燈牀下謂之照虛耗又書天行帖兒  
貼於門楣祀先之禮則或昏或曉各有不同如飲屠蘇  
百事吉膠牙錫燒木賣惜懂等事率多東都之遺風焉  
守歲之詞雖多極難其選獨楊守齋一枝春詞最為近  
世所稱併書於此竹爆驚春競喧闐夜起千門簫鼓流

蘇帳暖翠鼎緩騰香霧停杯未舉奈剛要送年新句應  
自賞歌字清圓未誇上林鶯語從他歲窮日暮縱閒愁  
怎減劉郎風度屠蘇辦了迤邐柳忻梅妬宮壺未曉早  
驕馬繡車盈路還又把月夕花朝自今細數

武林舊事卷三